

ხელშეკრულება # 60-7-219-810

ქ. თბილისი

17-06 2019 წ

სს „საქრთველოს სახელმწიფო ელექტროსისტემა“ (შემდგომში „დამკვეთად“ წოდებული), მისი მმართველთა საბჭოს წევრის დავით ვარდიაშვილის (რწმუნებულების/მინდობილობის დამოწმება #181378706 09.11.2018წ.) სახით, ერთის მხრივ და საქრთველოს შინაგან საქმეთა სამინისტროს საჯარო სამართლის იურიდიული პირი - დაცვის პოლიციის დეპარტამენტი (შემდგომში „დაცვად“ წოდებული), მოძრავი ტვირთებისა და ფიზიკურ პირთა დაცვის სამმართველოს უფროსის კონსტანტინე მამისეიშვილის სახით, მეორეს მხრივ, ვდებთ წინამდებარე ხელშეკრულებას შემდეგზე:

### მუხლი 1. ხელშეკრულების საგანი:

- 1.1. წინამდებარე ხელშეკრულებით „დაცვა“ იღებს ვალდებულებას, განახორციელოს „დამკვეთის“ ავტომობილის დაცვა-ესკორტირება მისი საქრთველოს ტერიტორიაზე გადაადგილების დროს; (CPV კოდი: 79700000, 7971000, 7971500);
- 1.2. წინამდებარე ხელშეკრულებით „დამკვეთი“ იღებს ვალდებულებას „დაცვას“ გადაუხადოს გაწეული დაცვის მომსახურების ღირებულება ხელშეკრულების მე-3 მუხლის შესაბამისად.
- 1.3 წინამდებარე ხელშეკრულება დადებულია „სახელმწიფო შესყიდვების შესახებ“ საქრთველოს კანონის 10<sup>1</sup> მუხლის მე-3 პუნქტის „ა“ ქვეპუნქტის, სსიპ „სახელმწიფო შესყიდვების საააგენტოს“ თავმჯდომარის 17.08.2015წ #13 ბრძანებით დამტკიცებული „გამარტივებული შესყიდვის კრიტერიუმების განსაზღვრისა და გამარტივებული შესყიდვის ჩატარების წესის“ მე-3 მუხლის პირველი პუნქტის „ა“ ქვეპუნქტის და სსიპ „სახელმწიფო შესყიდვების საააგენტოს“ თანხმობის (SMP190002396) #2490 (30 მაისი 2019 წელი) განკარგულების შესაბამისად.

### მუხლი 2. მხარეთა უფლება-მოვალეობანი:

#### 2.1. დამკვეთი ვალდებულია:

- 2.1.1. აცნობოს „დაცვას“ დაცვა-ესკორტირების შესახებ ორი დღით ადრე;
- 2.1.2. დაცვა-ესკორტირების დაწყებამდე, „დამკვეთის“ უფლებამოსილმა წარმომადგენელმა მოაწეროს ხელი „დაცვის“ მიერ წარდგენილ შესაბამის აქტებს და დოკუმენტებს;
- 2.1.3. შეუქმნას „დაცვას“ სამუშაო პირობები, კერძოდ: დაცვა-ესკორტირების პერიოდში ტრანსპორტირებაში მონაწილე „დამკვეთის“ წარმომადგენლებმა უზრუნველყონ „დაცვის“ წარმომადგენლების კანონიერი მოთხოვნა - მითითებების შესრულება უსაფრთხო და შეუფერხებელი გადაადგილების მიზნით;
- 2.1.4. „დაცვის“ თანამშრომლის მიერ ხელშეკრულებით ნაკისრი ვალდებულებების შეუსრულებლობის შემთხვევაში, დაუყოვნებლივ აცნობოს წერილობით „დაცვას“;

**2.2. „დაცვა“ ვალდებულია:**

- 2.2.1. წინამდებარე ხელშეკრულებით განსაზღვრული დაცვა-ესკორტირების მომსახურება განახორციელოს 2019 წლის 09 ივლისს. დაცვა-ესკორტირებისათვის გამოყოს სპეციალური შეფერილობის, სანათი და ხმოვანი მოწყობილობით აღჭურვილი „დაცვის“ ავტომობილი;
- 2.2.2. „დამკვეთის“ დაცვა-ესკორტირება განახორციელოს შსს სსიპ-დაცვის პოლიციის დეპარტამენტის მოძრავი ტვირთებისა და ფიზიკურ პირთა დაცვის სამმართველოს ცეცხლსასროლი იარაღით აღჭურვილი თანამშრომლებით (4 თანამშრომელი და 2 მანქანა);
- 2.2.3. პოლიციის შესახებ კანონის მოთხოვნათა შესაბამისად კეთილსინდისიერად შეასრულოს დაკისრებული მოვალეობები;
- 2.2.4. უზრუნველყოს მოქმედი კანონმდებლობის შესაბამისად „დამკვეთის“ შეუფერხებელი გადაადგილება საქართველოს მთელ ტერიტორიაზე, გარდა ფორს-მაჟორული შემთხვევებისა;
- 2.2.5. „დაცვა“ უფლებამოსილია არ განახორციელოს დაცვა-ესკორტირება თუ „დამკვეთის“ მიერ არ შესრულდება ხელშეკრულების 2.1.3. ქვეპუნქტის მოთხოვნები და „დამკვეთი“ არ შეასრულებს ხელშეკრულების მე-3 მუხლით გათვალისწინებულ მოთხოვნებს.

**მუხლი 3. ანგარიშსწორების წესი და პირობები:**

მომსახურების ღირებულება დაცვის პოლიციის ერთ ავტომობილზე		
20 კმ - ს ჩათვლით	20 კმ-ს ზევით - 100 კმ-ს ჩათვლით	100 კმ-ს ზევით
200 ლარი	200 ლარი + 20 კმ-ს ზევით ყოველ 1კმ-ზე 6 ლარი	680 ლარი + 100 კმ-ს ზევით ყოველ 1 კმ-ზე 3 ლარი

3.1. დაცვა-ესკორტირების მომსახურების საორიენტაციო ღირებულება შეადგენს **3 280 (სამი ათას ორასოთხმოცი) ლარს დ.ღ.გ.-ს ჩათვლით.**

3.2 „დამკვეთი“ ამ მუხლის 3.1. პუნქტით გათვალისწინებული მომსახურების ღირებულებას „დაცვას“ გადაუხდის საგადასახადო ანგარიშ-ფაქტურის მიწოდებიდან 5 (ხუთი) სამუშაო დღის ვადაში.

**მუხლი 4. მხარეთა პასუხისმგებლობა:**

4.1. გამოძახების საფუძველზე „დაცვის“ ეკიპაჟის ადგილზე გამოცხადების შემდეგ (რაც უნდა დადასტურდეს შესაბამის აქტზე მხარეთა ხელმოწერებით), ხელშეკრულებით გათვალისწინებული დაცვა-ესკორტირების განხორციელების „დამკვეთის“ მიზეზით 2 (ორი) საათზე მეტი ვადით დაცვა-ესკორტირების გადადების (შეფერხების) შემთხვევაში, „დამკვეთი“ ვალდებულია გადაიხადოს პირგასამტეხლო 300 (სამასი) ლარი და ყოველ მომდევნო გადაცილებულ 1 (ერთი) საათზე 50 (ორმოცდაათი) ლარის ოდენობით;

- 4.2. დაცვა-ესკორტირების „დამკვეთის“ მიზეზით 2 (ორი) საათზე მეტი ვადით დაცვა-გაცილების შეწყვეტის შემთხვევაში, „დამკვეთი“ ვალდებულია გადაიხადოს ამ ხელშეკრულების 3.1. პუნქტით გათვალისწინებული დაცვა-ესკორტირების მომსახურების სრული ღირებულება და პირგასამტეხლო ერთჯერადად 300 (სამასი) ლარი და ყოველ მომდევნო გადაცილებულ 1 (ერთი) საათზე თითოეულ ავტომანქანაზე 50 (ორმოცდაათი) ლარის ოდენობით;
- 4.3. „დაცვის“ მიზეზით დაცვა-ესკორტირების 2 (ორი) საათზე მეტი ვადით შეფერხების შემთხვევაში, „დაცვა“ ვალდებულია გადაიხადოს პირგასამტეხლო ამ მუხლის 4.1. პუნქტის შესაბამისად.

#### **მუხლი 5. ფორს-მაჟორი:**

- 5.1. მხარეები თავისუფლდებიან პასუხისმგებლობისგან წინამდებარე ხელშეკრულებით განსაზღვრული ვალდებულებების შეუსრულებლობისას, თუ ეს გამოწვეულია დაუძლეველი ძალის მოქმედებით. კერძოდ: წყალდიდობით, მიწისძვრით, ხანძრით, გაფიცვით, სამხედრო მოქმედებით, ბლოკადით, სახელმწიფო ორგანოების აქტებით ან/და ქმედებებით (ფორს-მაჟორული გარემოებები), რაც დადასტურებულია უფლებამოსილი კომპეტენტური ორგანოების მიერ.
- 5.2. ფორს-მაჟორული გარემოებების დადგომისას (ამის პირველივე შესაძლებლობისას) მხარეები ვალდებულნი არიან დაუყოვნებლივ წერილობით, ელექტრონულ მისამართზე ან ტელეფონით შეატყობინონ მეორე მხარეს ამის შესახებ.
- 5.3. მხარეების მიერ წინამდებარე ხელშეკრულებით განსაზღვრული ვალდებულებების შესრულება გადაიდება ფორს-მაჟორული გარემოებების ლიკვიდაციამდე (დამთავრებამდე).

#### **მუხლი 6. ხელშეკრულების მოქმედების ვადა:**

- 6.1. ხელშეკრულება ძალაში შედის მხარეთა ხელმოწერისთანავე და მოქმედებს **2019 წლის 30 აგვისტოს ჩათვლით.**

#### **მუხლი 7. სხვა პირობები:**

- 7.1. ხელშეკრულებაში ცვლილებებისა და დამატებების შეტანა შესაძლებელია მხოლოდ წერილობითი ფორმით, რომელიც წარმოადგენს წინამდებარე ხელშეკრულების შემადგენელ და განუყოფელ ნაწილს;
- 7.2. მხარეები უფლებამოსილნი არიან ცალმხრივად შეწყვიტონ ხელშეკრულება, რის შესახებაც მეორე მხარეს აცნობენ 10 (ათი) დღით ადრე;
- 7.3. სადავო საკითხებს მხარეები გადაწყვეტენ ურთიერთშეთანხმებით. 1 (ერთი) თვის მანძილზე შეთანხმების მიუღწევლობის შემთხვევაში, ნებისმიერ მხარეს დავის გადაწყვეტის მიზნით შეუძლია მიმართოს საქართველოს სასამართლოს;
- 7.4. ხელშეკრულება შედგენილია 3 (სამი) თანაბარი იურიდიული ძალის მქონე ეგზემპლარად, რომელთაგან 1 (ერთი) ინახება „დამკვეთთან“, ხოლო 2 (ორი) „დაცვასთან“;



7.5. ნებისმიერი შეტყობინება მასზე თანდართულ დოკუმენტთან ერთად, რომელსაც ერთი მხარე, ხელშეკრულების შესაბამისად უგზავნის მეორე მხარეს, გაიგზავნება წერილის, ფაქსის ან ელექტრონული სახით, ორიგინალის შემდგომი წარდგენით, ხელშეკრულებაში მითითებული მეორე მხრის მისამართზე, მხარეები უფლებამოსილნი არიან გამოიყენონ სატელოფონო კომუნიკაციის საშუალებებიც, რაც შემდგომში უნდა დადასტურდეს ამ პუნქტში აღნიშნული სახით;

7.6. ელექტრონული შეტყობინების მიღებიდან არაუგვიანეს 2 (ორი) საათისა მიმღები მხარე ვალდებულია ასევე ელექტრონულად დაუდასტუროს გამგზავნ მხარეს შეტყობინების მიღება. სხვა შემთხვევაში შეტყობინება ჩაითვლება მიღებულად მასში გათვალისწინებული პირობებით.

## **მუხლი 8. ხელშეკრულების შესრულების კონტროლი**

8.1 ხელშეკრულების შესრულების კონტროლს „შემსყიდველის“ მხრიდან უზრუნველყოფს სს „საქართველოს სახელმწიფო ელექტოსისტემის“ ლოგისტიკის დეპარტამენტის უფროსი სპეციალისტი თამარ ჯაფარიძე.

### **მხარეთა რეკვიზიტები და ხელმოწერები:**

#### **„დამკვეთი“**

**სს „საქართველოს სახელმწიფო ელექტოსისტემა“**

მისამართი: ქ. თბილისი, ბარათაშვილის ქ. №2

საიდენტიფიკაციო ნომერი: 204 995 176

სს „თბილისი ბანკი“

ცენტრალური ფილიალი

ბანკის კოდი: TBCBGE22

ანგარიშის №GE02TB0600000102467636

#### **მმართველთა საბჭოს წევრი**

#### **„დაცვა“**

საქ. შსს სსიპ-დაცვის პოლიციის დეპარტამენტი

მისამართი: ქ. თბილისი, დავით აღმაშენებლის

ხეივანი მე-11 კილომეტრი

ელექტრონული ფოსტა: [k.mamiseishvili@spd.ge](mailto:k.mamiseishvili@spd.ge)

საიდენტიფიკაციო ნომერი: 211 350 928

მიმღების ბანკი\_სახელმწიფო ხაზინა

მიმღების დასახელება\_ხაზინის ერთიანი ანგარიში

ბანკის კოდი: TRESGE22

მიმღების ანგარიში/სახაზინო კოდი\_707117292

**მომრავი ტვირთებისა და ფიზიკურ**

**პირთა დაცვის სამმართველოს უფროსი:**



დ. მამისეიშვილი

**კ. მამისეიშვილი**